

99410

1-2



中国国家图书馆
NATIONAL LIBRARY OF CHINA

圖 2 冊 卷 47
雜記



中国国家图书馆
NATIONAL LIBRARY OF CHINA

頤生足下上月中旬頒到手教知歙山未刊遺著陸續刊竣甚慰鄙懷歙山精心博覽不名一家世徒以校讐書數音律之學俾之皆皮相耳其不立門戶易氣平心近世諸儒自番禺陳蘭甫先生外未見有此人雖零星小種皆足以啟導後學況其詩文乃晚年未及入集之作尤非它家外集可比吾子悉心校讐又得錢子仲穀張子鳳山力任剗歙山有知應含笑九泉矣委作弁言追念歙山平生相與之深其何敢辭然老病日深不事鉛槧久矣每一搆思輒不能寐欲倩它人爲之恐無以質歿友精華衰竭莫可彊爲願吾子之諒之也諸種均承賜讀懷舊襍記版印後幸賜先覩此外襍存零種




中国国家图书馆
NATIONAL LIBRARY OF CHINA

爲覆瓿集目中所無者鄙意宜集外別行離之則雙美也老耄不能多黷諸惟諒管不宜姚光發頓首

嘯山太姻伯大人七十有八小像

子華沈壽康寫



古貌古心經師人師無藉而興江海
之湄寡欲多聞名臣傾禮陶鑄羣
才多士式軌少微既隕餘光爛然後
有作者視此遺編

世愚姪顧蓮贊門人閔萃祥書

懷舊襍記卷一

南匯張文虎孟彪

余所居里在邑城西北四十八里曰周浦鎮舊志謂卽
元下沙場杜浦司地是也周浦之名不知所自始俗俚
澧谿殊無謂余謂宜名儲里以儲華谷名也

周浦鎮街有內外棋盤之俚蓋皆十字形也而居中者
爲姚氏南蔭堂俗云姚家廳據譜姚世籍河南宋南渡
時遷至松江再遷至今南匯地逮明成化閒已三世矣
有承事公諱填者忼慨好善始於其處建積慶橋至今
便之呼爲姚家老石橋後過僻野遙見母雞率羣雛啄
食荒冢閒近之忽不見知其異因建此堂旁築廛舍招



中国国家图书馆
NATIONAL LIBRARY OF CHINA

集商賈遂成市肆爲南邑首鎮姚氏聚族而居子孫餘
衍道光初稍衰咸豐辛酉遭粵寇之亂堂遂燬而姚族
亦多離散矣南蔭堂額爲文待詔書今亦燬

外棋盤街之港東街俗曰旗杆街以朱旦平鑑與子治

子良裘名也旦平博學能文雍正癸卯進士以年老重

聽就甯國教授治子雍正甲辰進士歷官詹事府少詹

事旦平所編古文評注便覽自三傳國語國策史漢歷

朝唐宋八家旁及家語莊子之類并及古今人評語閒

下己意皆有條理刻手亦佳余少時尙及見人家案頭

有此書今則村塾通行翻板不絕者惟觀止耳旦平讀

書處曰靜觀樓今亦燬於粵寇

靜觀樓北數舍余家老屋在焉

先徵仕公少孤予復少孤於先德惻然但聞父

老言先祖克明公爲人任俠好客戚友多依以爲活而

已賈君曉春嘗爲予言聞之傳說有鄉人晨起抱布入

市過君家門首見肩輿從內出視之中乃君祖也此向

所未見誠甚跡之由水步登大舟私問從者云往某處

懷疑不釋賣布返探之乃知頃已逝矣殆爲神也先

世譜失不知所自始祇知出自張家浜張家浜者自港

東街直北過溯源橋折而東是也據利造橋張氏譜言

宋南渡時自豫遷松江再遷周浦鎮明初族頗盛人稱

張家浜及成祖驅富民填燕京有金一公者挈長子伯

江公北徙其仲子仲清公婚於利造橋鄒氏遂家焉季

子導江公則居鎮之列船橋別爲一支先祖沒後先徵

而偏考兩譜世次皆無端倪不敢漫附先祖沒後先徵

仕公以屋多人少賃於它氏而別僦三椽於南蔭堂之

旁取卜鄰之意及予總角卽就傳於姚氏蒙塾先師東

渠夫子諱煒所課雖皆童蒙而每爲之講貫字義課餘

命之屬對以予稍能領會教以聲律唐詩漸進以古唐

虞書集已卷一



中国国家图书馆
NATIONAL LIBRARY OF CHINA

人賦文選明人制義師嚴氣正性不苟言笑而架上書籍任予翻閱未嘗禁曰汝能解甚善但不得塗抹耳師自課甚嚴屬文如宿成詩喜袁簡齋脫口卽是予亦輒效之師曰袁詩得其性靈意趣可矣其輕薄不足法也嘉慶庚辰院試題爲可以託六尺之孤師暗用三國志諸葛亮傳大爲學政姚文僖公所賞拔入松江府學師益勤於學閒則兼治醫書有神悟道光癸未春師課予及同學輩命亥初臥丑初起治鹽類師亦起命題日以時藝律賦相閒師亦如是限天明脫稿午後繕正至昏時課誦畢則作試帖及襍體亦日相閒必脫稿而後就寢及院試不售師以爲恨而予稍怠於業師怒與之扑

然是秋師以霍亂卒而徵仕公亦以是冬病沒予日窮促明年遂就館訓蒙矣

泰庵太夫子

諱伯驥

嘉慶丁卯舉人就職直隸州州同學

行誠篤見義必爲箸有五經劄記上海李心庵戶部序云五卷而所見刊本則止一卷豈有所散佚邪

守璇夫子

諱煒琛

東渠師之長兄也府學歲貢生閉戶課

徒不問外事予幼時見以爲可造輒善視之每館課時亦預焉有所請必詳爲講解未嘗厭倦卒年八十一所箸有洪景堂詩集十卷躔垣一覽黃河溯源竟委圖考二卷前明治河圖攷二卷分省水利圖說地理雪心賦注皆未刊行佚於咸豐辛酉之亂孫小稽有元廩貢生



中国国家图书馆
NATIONAL LIBRARY OF CHINA

少孤育於祖今以軍功得五品藍翎

惺齋夫子

諱煒琥

東渠師次兄也東渠師既卒命以所業

就質予早歲文蹕弛不就軌範每抑之既而謂諸及門曰若輩非其倫毋效之也予既就館浦南歲時祭埽暫歸外惟歲科試郡寓一相見而夫子以近境不得意又丁火太夫人憂哀毀致病卒嗣君若一其鈞少孤力貧訓蒙以隸書篆刻承家學箸有周浦紀略予嘗爲序之曉山夫子諱景福諸生亦東渠師族也性舒徐不迫困於有司試多年怡然無怨怠及其得之亦無懽容常誠諸弟子無欲速此足以爲時俗箴砭也

吾里言風雅者首推馮墨香先生

金伯

先生以廩貢生

選句容訓導工詩書畫尤富收藏乾隆閒主脩縣志箸

有國朝畫識墨香居畫識海曲詩鈔續鈔詞鈔先生

女蘭因女史

玉芬

與上海歸佩珊

懋儀

齊名有靜寄樓

詩詞

朱雪鴻先生

清榮

邑諸生居南市與先祖克明府君友

善有公事必走商博學多聞通醫經術數喜儲華谷祛

疑說爲之箋釋箸有祖洲詩草子琴村先生

南枝

亦與

先祖爲紀羣之交道光壬午舉人官清河訓導好提獎

後學借人書有蠹損者必爲之整理子蔭松

鳳笙廩貢

生署陽湖訓導亦通醫以乃祖所箋祛疑說屬校予以

詒金山錢氏編入續藝海珠塵壬集又所藏唐雷霄琴



內款咸通某年雷霄造案雷氏善斲琴見樂府襍錄殆
不易得今後人不振不知所歸矣

丁書圃先生

許秦

與朱居比屋性耿直爲里嚴師詩宗

陸放翁有芳藹齋集行世子

繩本

咸豐辛酉罵賊被戕

人曰不愧丁先生子

祝秋田先生

文瀾

邑諸生居北市嘗刲臂愈母病盛夏

不袒裼恐見傷痕也品學端厚易以康節爲宗詩效明

七子閒涉吳梅村書法大歐工白描仕女箸述等身遭

寇竝失

蔡曉峯先生

銅

竹濤裔孫也監生嗜吟詠所居曰其順

堂常集丁書圃祝秋田蕭亞史諸先生於此一時俛風

雅藪云夫人朱愛秋

庚

工詩唱和無虛日爲先生所心

折箸有愛秋詩稿

姚瀛三先生

愚堂

能詩工書畫通音律術數談笑詼諧

與予爲忘年交嘗夏晚納涼至先生處先生取壁閒笛

箕踞庭中小卓上吹之忽畜犬自外跳躍而入盤旋起

舞口中嗚嗚然笛止亦止予爲之大笑自後每詣先生

請作之屢次不爽其遊戲如此然有惡少年詢其鄰女

者先生正色不與語其人慙沮而退

先生所居在中市西偏所謂石子街

也

張海珊先生

庭樹

貢生居市西南隅謂之西園門舊有

園亭道光來漸傾圯先生山水學文待詔喜用乾筆淡



中国国家图书馆
NATIONAL LIBRARY OF CHINA

懷舊初言卷一
於科名公事不受獎年踰八旬卒同治己巳予自金陵
回周浦從西市移居僦先生衍慶堂左廂凡住八年主
人爲先生曾孫所謂園亭者止疊石存耳

閔一法先生

亮

邑武生世居新場精眼科以術來往吾

里且結姻遂家焉實予表姑壻也豪於酒善弈其致力
時於馬上挾譜精思之旣而閱琵琶譜亦然皆名於時
卒年六十五子

忠孝

號晴巖傳其眼科客死於鄂次月

嵩

忠連

遷居郡城亦以眼科名

周金垞

壻

廩監生居市東工山水花卉篆刻豪俠仗義

中落游廣東爲廣守所重旣而以母老辭歸中途遇盜
喪其資斧川沙同知何公

士祁

聘脩廳志淹蹇以病沒

年未五十愛其才者惜之

計芥舟布衣

秦後改名
渤字介生

幼孤寒依其叔賈於市偶得吳

梅村詩殘本效之遂工詩有欲羅之門下者不可中歲
遷上海以訓蒙爲業妻以鍼術佐之或比之梁孟箸有
孱守居詩王菽畦觀察錄入可作集

吾里于氏有東于西于之目兩于皆居西街東于曰雙

璧堂以奢侈先中落西于曰紹澤堂世儉樸人多謹飭

予所見者有甜齋

佑安

迪齋

佑吉

甜齋監生沈靜雅飭

篤於行誼迪齋以廩貢生候選教諭書法趙文敏參以

蘇米工水墨畫兄弟友愛怡怡如也甜齋子充甫

爾大

道光癸卯優貢生好學深思工詩兼詞書亦如其叔爲



人狷潔不苟取與與予相善新邑志田賦橋梁水利得其力爲多迪齋季子松唐爾棟諸生通醫以調理氣機爲主求診者如市遇貧苦者不受酬或且代償藥值其所受酬積之以備周恤不妄用年餘四十沒不知名來哭者甚多其從子澧尊啓諸生英年篤學潛心注疏後來之秀當首屈一指

張惠筵兆熙歲貢生海珊先生族子也居中市大街後遷南後街爲守璇夫子入室弟子品學淵源步趨必踐授徒暇則詣師門研究經史旁及地輿醫術每至移晷人謂能繼武不愆者一人而已遭寇傷顱不死旋病卒年六十四

王望溪渭熊周金垞姊壻也先世以甯波籍居川沙再遷周浦性誠篤外和內介畫山水涉獵諸家尤工墨竹道光甲申以火中落依人賣藥咸豐末遭寇播遷賊退其子世彥予弟子也約同居西市予客皖江之七年暫歸移居西園門君亦先移北市已病矣屬爲題其獨立圖無何卒世彥孝侍惟謹人頗傳之

姚魯琴

煒楷

東渠師族也居油車街父培齋

廷槐

善寫

蘭明醫尤精痘科魯琴得其傳門庭如市猶勤心研究舟輿道路手不釋卷所詣益進應手取效有仙人之目沒後有遺影曰未濟圖予嘗爲題之初于松唐及同里李時香德照皆從君學醫君曰得吾道而先行於時者



中国国家图书馆
NATIONAL LIBRARY OF CHINA

時香也松唐之行當在其後而名則過之己而果然時香

子友甘棠之子甘棠名春棣久困童子軍及補諸生年蓋四十矣

賈曉珠允明諸生居張家浜祝秋田先生之甥亦其弟

子也多聞緒論與予爲總角交幼相唱和詠梅有一枝寒破隴頭煙句爲計芥舟所賞五言喜效選體中歲習醫晚遭寇其稿與秋田先生著述並沒

黃月瑚乘燿居悅和橋張惠筵高第邑諸生詩喜袁簡

齋曉珠嗤之然亦服其敏捷中年困於諸弟以療疾卒

賈葵卿改國所後曉珠族也居中市東大街有肆應才豪

於談棄帖括援例捐小官游楚蜀訪故人不加志僅得詩一卷而已因繪松菊猶存圖以寄意予嘗爲填詞既

而遭火難益窘惘惘以沒弟蓉卿改國所後道光甲辰舉

人文辭富贍書亦豐腴隱然翰林風采乃以內閣中書

改府同知需次陝西竟客死

王泖秋珠樹居東市卽周金垞故宅也爲火星垣入室

弟子廩貢生雅淡能詩畫如其人父竹鄰朝棟以孝傳

慷慨好施親友有待以舉火者亦能畫

賈步緯者曉珠族孫也幼學賈後篤志天算讀數理精

蘊秣象考成盡通其術今在上海機器局司擺印書籍

於西人對數代數微分積分之術蓋亦窺其奧矣

朱雨胸作霖張惠筵弟子也幼孤露將廢學惠筵捐其

脩脯時調之遂爲名諸生能詩詞駢體籀篆分書上海



某君撰墨餘錄得其助為多今南匯新志君實收其成

丁竹村

秀甲

書圃先生族子亂後貧乏閉門授徒其聰

穎者導以對偶意頗諳切閒則栽花種竹以詩自遣嗣

君璞人

慶玉

工人物花卉又善以朱筆鉤摹篆籀朱文

白文有如鐫刻且古雅勝於真者絕技也竹村兄柳塘

春熙

諸生亦與予善早卒

道流陸滌齋

字錦文

居西市精卜筮之術於干支五行

生剋制化能析其微有奇驗兼通壬遁予幼好術數每

與之談謂予曰小道不足以致遠子宜究心儒理毋屑

屑於是此語至今猶在耳也

趙醴源大令

秉醴

上海

贈光祿寺少卿升之先生文

哲

第三子也乾隆乙卯舉人由實錄館議敘授湖北監

利縣知縣歷署恩施鄖西等縣凡在鄂二十三年告歸

卜居吾里之北街置田贍族好書畫香鑪精於賞鑑與

祝秋田姚瀛三諸先生相往來予有時旋里亦相從談

笑諠諠有古人風其季子簡甫

枚

監生候選縣丞咸豐

辛酉罵賊死

賜卹如例

大令從孫星甫

紀勳

幼與喬鷺洲

重禧

齊名應童試時

皆冠軍主試者不能決命背誦經書則喬為流利乃定

之後亦同以廩貢生入監肄業議叙訓導君為人愜實

與東渠師至契工詩賦駢體見予對花朝中酒翦燭夜

敲詩句曰將來一詩人也亦折節下交後遷住郡城予



中国国家图书馆
NATIONAL LIBRARY OF CHINA

至郡必訪之握手道故憶東渠師未嘗不相對懽然星甫從兄序甫繼勳嘉慶己卯順天舉人道光甲辰予自

京師回至臨清遇君適選泰興教諭蒞任竝舟南下樂數晨夕距今三十八年矣聞已卒於任所其家遂留於彼

大令從子君復林候補知縣以病不赴時至周浦與秋

田瀛三諸先生游予亦與焉子芸伯□□嗣爲大令孫

居周浦予僑居之張氏乃其戚也故常相見忠信不欺

能書亦喜爲詩

曹桐華耀翔上海諸生居市南予從曉山師游時正館

於曹也儉樸無華書法歐趙後歸鍾王不輕落筆

王尊舟滋慈谿諸生有別業在吾里中市歲來閒住與

瀛三曉珠月瑚及予相得喜談論背誦經書如瓶翻水

貫串意義無少窒礙好觴客酒酣耳熱聲震四壁一別

如雨聞以抑鬱沒幾五十年矣

勞驛卿權浙江仁和人居塘栖家故藏書喜傳刻秘籍

羣從皆然咸豐辛酉避寇吾里寓八竈灘來訪恨相見

晚顧多病醫者輒與以補劑予曰視子狀貌乃溼證不

宜補醫泥之歸竟卒君嘗謂予曰舊藏有錢唐范介茲

景福春秋上律表未刻病閒當檢以付子予欣然會危

篤不果

張雲槎先生慕騫少華內翰熙純孫也居張江柵諸生



籍隸上海與吾里諸前輩相善詩詞外兼工度曲嘗於
賈曉珠處得先生手稿一紙蓋鄉試回抵常州從某君
借閱曝書亭集葉兒樂府和其折桂令五闕今祇憶其
首闕云問何人妄想封侯黃盡兼金黑敝貂裘一半佯
狂三千冷眼五十平頭神先往下失記門走狗嘲爭解
麟閣圖猴自對歌休何處天涯箸個閒鷗其末自題一
律云填詞強借曝書亭沐手添香再拜曾五百里程猶
繭足十三回客久模稜下失記片刻木犀花下坐莫嫌
草草過蘭陵其爲人志趣可知先生詩箸錄海曲詩鈔
而南邑脩志采訪者無聞上海新志又無附傳姑記於
此以志吾過

金治堂先生

在籍

邑城人官福建永定巡檢爲人忠厚

樸訥無襍職習氣嘗爲予言在官時某歲大饑人相食
兵役一空一日出署散望四無人影俄聞隔壁似有人
聲從隙窺之一人持刀割一屍屍瘠如柴矣乃取脰就
火炙食之輦感棄去復剖腹腹中纍纍出之似是字紙
其人大哭亦死至今思之猶爲心悸

王曉篷先生

熙

歲貢生居航頭鎮孝友無閒接物謙和

讀書崇實學而無門戶之見於易紉鄭氏爻辰於梅賾
古文謂多聖賢遺文宜節取於詩守傳箋而不信魯頌
沙尊之說於春秋隱元年經惠公仲子則主穀梁於左
桓十六年傳衛夷姜則從史記爲宣公夫人僖十五年



賈君則從趙固爲申生之妻其持論如此或勸其箸書則曰前人已言者何待言未言者又何敢輕議教鄉鄰子諄諄如親子弟盛德君子也子藹儒履階以博覽名佐脩南匯新志

火裕堂先生

始然

諸生居百曲一門皆能詩而先生步

武唐賢尤擅其勝有小瑤池吟草子星垣

文煥

蔡曉峰

先生壻也道光癸卯優貢生文辭敏捷古學尤著名與

東渠師爲中表互相推服中歲後肆力於詩嘗輯海曲

詩以廣馮氏之選會病卒未成箸有夢花齋詩稿

儲旭樓

龍賓

諸生華亭張滄霞

克儉

弟子也居沈莊鎮

少倜儻文如其人聞其父以賣鹽爲活旭樓幼育於儲

氏儲亦窶人也長能盡孝侍及稍充又迎生父母事之

人無閒言惜中年逝世未盡其才

陳雲莊

大章

諸生居邑城其叔祖母子從姑也詩喜涵

泳深細音在弦外少與計芥舟常唱和有望杏山莊詩

予嘗爲序之

顧金圃

祖金

諸生居二團喜聚書通天文算學與賈步

緯友善咸豐三年土匪陷邑城與叔

思恩

募勇入城夾

攻破之事

聞以訓導用

賞戴藍翎其敦行好義爲

衆所俾晚歲多病同治十二年卒

王子勛

蓉生

居邑城咸豐己未舉人海州訓導以軍功

賜同知銜藍翎歸主講惠南書院經其指授者皆破



中国国家图书馆
NATIONAL LIBRARY OF CHINA

壁飛去分纂南匯縣新志尤矜矜於風俗少時從父古

春之佑先涇縣教諭時嘗作羅浮夢傳奇規撫玉茗人

服其縣麗配夏氏菊初有才早世有棲香閣詩賦遺稿

子勛子保如予孫女壻也諸生喜繪事子勛曰是子畏

作制藝而山水花卉涉筆便似殆夙根不可強也

陳雲亭爾廣居邑城少爲賊擄得閒繞道巡回廢書治

生母訓嚴無習染然諾謹信爲衆所重來宰是邑者胥

倚之邑志之成終始其事

丁慈水宜福歲貢生居紫岡詩文下筆立成當咸豐辛

酉之亂奔走逃難日擊世事有新樂府一卷直言無諱

讀者皆謂得未曾有繼室姚吉仙女史其慶予弟子也

唱和靜好有雙聲閣詩鈔其所著詩詞駢體散文凡若

千卷臨沒謂女史曰吾無德以遺後人惟此心血俟兒

輩長成付之母暴露於外落髮庸人手也有華約漁孟

玉者亦諸生詩與君齊名困頓場屋乍食餼旋客死江

北著有百花草堂詩詞稿

馬健齋元德居六竈道光己酉拔貢句容訓導同治元

年吳建瀛投誠君獨從前令鄧公賢芬入城受降人服

其膽書法顏柳詩文不苟作分纂南匯新志嘗欲重注

王文簡古詩選以補聞人舊注之失

張鳳山金鑫利造橋支齋也監生居六竈鎮生十三月而

孤母唐氏賢孝知大體苦節撫育教養兼施動必以禮

鳳山以貧棄儒習賈起其家喪葬盡力爲母請建坊表節資僅溫飽而好善不倦重訂族譜寒暑不辭以暇讀書臨法帖時時述母訓猶流涕人曰如母賢宜其有此子哉

時文八股利祿之階眾所向往外是而言筆墨則相率

而笑之矣而我邑爲尤甚近得二人焉曰顧秋巖

諳園承禧秋巖居黑橋歲貢生篤實無外好喜爲詩古文詩喜李昌谷謝皋羽文則意在孫可之劉復愚不肖

作尋常語予告以當由文從字順入先讀古書厚積以

待其化勿沾沾求異人諳園居橫河而籍隸上海諸生

明通政使可久後也喜攷證之學爲求志書院高材生

葉秀居新場鎮雜工也能仿四王山水幾於神似時趙

醴源大令以賞鑑自負每售之或曰葉秀作也大令曰

能充吾目技亦可矣又善葉子戲偷撫虛撫同坐者無

能覺吸淡巴菰以兩計煙不出口久乃徐噴作大小圈

疊成塢形奇矣然聞有人能噴煙作樓臺仙鶴形者又

出葉秀上矣邑以上以周浦鎮爲主間及寓賢其散在同邑者次之多有已見縣志然詳畧互異



懷舊襍記卷一終

懷舊襍記卷二

南匯張文虎孟彪

華亭南鄉近海之區在金山衛城東北曰大潭俗曰茅
柴蕩今飾其名曰南塘南塘張氏聚族於斯蓋自國
初以來予童時嘗見虛谷刺史應時於閔氏談笑聲振
四壁道光甲申乙酉閒則於閔氏晤刺史從子嘯峰鴻
卓如舊相識丙戌應試郡城君時負笈湯繹山先生門
下與予寓處相望無日不相見已而同補學官弟子明
年遂館君家橫經草堂授經其弟飛卿振鱗與君羣從
往來閒相唱和如是六年其後雖移館秦陽歲時仍一
至所謂南塘者君少喜填詞其後乃學詩於武康徐雪



中国国家图书馆
NATIONAL LIBRARY OF CHINA

廬典簿

熊飛時主講乍浦觀海書院

以青丘漁陽爲宗矜矜不失尺

寸中年以往奔走人事又援例需次教職歷署蘇常太
諸屬邑喪亂播遷意興非昔詩格亦漸變矣初刻綠雪
館詩詞十二卷燬於寇後金山錢夢花爲續刻其晚作
一卷君幼好佛老更持誦不輟年七十四無疾而終飛
卿諸生亦能詩

嘯峰從兄雲閣

斌

文尙瑰瓌困於場屋乃入資需次布

政司理問而以詩自鳴蓋近白香山有聽鶯館詩及所
選海上詩逸爲人簡率無城府弟瘦峰振凡小我振宗
沒其子皆幼君理其家事皆井井及兩家子長爲之婚
娶簿積年所入視昔加贏而逋負悉填人無閒言卒年

七十瘦峰諸生於書無所不窺尤好讀史有大吉祥室

詩草多病淹蹇遂皈首蓮宗小我議敘鹽運司知事豪

健好書畫古玩收藏甚富先瘦峰卒雲閣子燮庵

家鼎

浙江候補鹽課大使加同知銜有鐵花仙館詩鈔又輯

刊南塘張氏詩畧二卷瘦峰子梅生

家肅

有曼陀羅館

詩詞駢體又校刊元遺山樂府小我長子炳齋

家焱

諸

生有蘋花水閣詩鈔蓋南塘張氏幾於江左諸王矣梅

生炳齋皆先後早世燮庵撫其諸孤經理門戶如雲閣

昔日事兩世高誼鄉黨傳焉

張理堂

進

諸生實雲閣胞弟初虛谷刺史未有子抱爲

長子落拓喜詼諧詩文不主故常卻能道人所不能道



中国国家图书馆
NATIONAL LIBRARY OF CHINA

有蘇石山房詩一卷咸豐辛酉秋以杖擊賊中目賊割其首以去幼子家桓亦死之

張淡香

振芬

監生亦嘯峰從兄好招客飲疏落不致飾

閒亦吟詠自得有槿籬書屋詩草亂後失之僅記其凍墨作書淡欲無句殆頽頽楓落吳江冷矣

吳柳堂先生

基枋

監生明陝西參政

衡

後張氏甥也自

曲村遷居南塘以豪宕好客貧其家晚境蕭瑟不廢嘯歌有仿佛山房詩鈔後徙張堰卒年七十四

侯楚帆

克激

華亭諸生居金山衛城東門外學有根柢

知天文以文名海上凡聲於學餽於庠者多其門下士

而君顧寂寂先是翁查麓

山諸生

金建議重脩衛學文廟

并創設大觀書院未成而卒君與嘯峰繼之以公事寓郡城時大暑病痰喘診者投以麻桂遂致劇而亡此死於藥乎死於醫也

熊露荃先生

昂碧

金山諸生亦張氏甥也居金山衛城

南門其先江西人以武官來金山遂占籍焉先生爲徐雪廬典簿高第弟子傳詩雄海上豪於酒幕游豫晉閩粵閒晚再入晉乃歸授徒南塘提唱風雅與予爲忘年交不恥下問卒年七十二有海棠集詩鈔及賸稟所選海嶠一塵已刊又有雲山求是集未成子熙春喜博覽以病廢

宋大憇先生

蓮

金山諸生居金山衛城以水墨寫菊深



中国国家图书馆
NATIONAL LIBRARY OF CHINA

得其離披之趣謂之菊影詩學杜少陵或云乃似李空
同則大怒曰爾豈足讀乃公詩邪刊有大憝詩鈔一卷
予至南塘先生沒矣道光中在郡寓露翁嘗以其遺稿
文數篇眎予置之袖及歸失之吾負二老至今惻然
徐小盞藻諸生亦衛城人以背僂自號工詩詞駢體善
病卒年未四十

李蘭田

光烈

郡城人客授南塘蕭然一席歌嘯自得熊

露翁題其詩後云超然出塵表吾友李蘭田霜氣橫孤

劍秋聲聚一編唱酬偕老輩

自注謂葛蘆坪顧竹坡

談笑赴黃泉

自注君以醉死欲遣巫陽去招魂峰泖邊適如其人

程桐生

東

吳江人畫山水能出新意嘗見其摹竹垞詩

八幅迴出塵表然他作未能侔也篆刻入古者亦異俗

手

道光庚寅辛卯間來南塘寓橫經草堂又與小我嘯峯同游平湖嘉興

張堰古曰張涇堰隸金山縣其東半則隸華亭金山王

氏多居此予所識曰寒香先生

步蟾

硯農先生

不魯貢生

兄弟明沅江令鹿柴翁

廷宰

後人也父

孫雄

家世以畫

名山水人物筆意入古其人皆和靄靜默其宅曰世賢

堂其起居之所曰還讀齋曰釣魚閒處皆幽寂無襍賓

陶然靜坐時拈筆墨望而知爲雅人也憶還讀齋縣鄭

板橋書尺幅曰亂髮團成字深山鑿出詩不惟難得骨

誰得似其皮筆力奇縱不可仿象

盧晴野

寶煦

諸生居張堰西市蓀塘先生

祖潢

孫也先



中国国家图书馆
NATIONAL LIBRARY OF CHINA

生以經術制藝教授鄉里步趨先正爲一邑所服膺子稼村有椒亦諸生爲人醇厚坦率晴野倜儻有肝膽好金石篆刻之學予往來秦山南塘間每宿君齋翦燭夜談輒忘其屢跋乃不數年閒君父子兄弟相繼謝世後嗣天折屋旣易主予亦二十年來未過其門矣隻雞斗酒之祭何有哉

汪植庵

培

諸生學博味經先生

逢堯

孫也所居亦園去

予抱齋居甚近時相過從書守九宮格流利而不失端莊人亦如之

沈松琅

雋曦

諸生居松隱館錢氏古松樓予遷張堰往

來最親能詩不多作好酒亦不多飲爲人和厚而中實

狷介書法劉文清避亂滬上無識者遂歸松隱卒

陳柳溪

邦域

諸生居松隱初亦嘗館古松樓後常家居

同治甲戌春訪之雞黍畱賓情意綦篤揖別候潮猶殷殷握手至今如在目前而不知君之沒已三年矣思之憮然

董夢蘭

兆熊

本姓王從其母黨之姓吳江諸生舉孝廉

方正能詩尤長駢儷小謨觴館之亞也錢鱸香學博延

爲張堰義塾師佐脩金山縣志以事歸病暑久之竟不

起予有詩哭之箸有厲樊榭詩注二十卷朱子門人攷

南宋文錄其味無味齋駢體文二卷刊於蘇州

僧雪舫

覺堂

自言焦山水晶庵主或曰非也偉岸豪於



中国国家图书馆
NATIONAL LIBRARY OF CHINA

飲噉能詩善畫竹大幅蓬勃有生氣到處以其技鳴至
張堰介盧晴野投詩求見後屢贈以畫竹曰我於公無
他求得長歌一章足矣予笑而應之乃大喜往來二三
月去不復見

予居姚家廊下凡二十年咸豐丙辰春始遷張堰先是
癸丑歲張梅生買別墅於張堰約同居予未應也而梅
生遷一年病卒明年秋或舉前言錢夢花愆思之乃定
期是時予患疴已數月幾不能支人曰咄哉又將爲梅
生也是屋門臨流水啞子橋北堍入爲長廊由廊右竝書舍
三間南面空地寬廓背爲堂庭堂後小庭則有樓房三
楹旁屋爲廚後又有空地統包以大牆予病稍閒乃相

度地勢於前空地編籬爲界環以藤蔓壘石爲壇脩篁
襍樹花草惟所適於後空地藝蔬果豆棚瓜架足代藜
藿攜鉏荷耒疲則展書或引觴自酌一日方與兒子錫
甫袒袂灌畦客至相呼失肩糞膏翻滿地客睨而視曰
此乃遠不如村傭相與大笑自名之曰抱甕居如是三
年不特我忘病病亦且忘我矣

由抱甕居堂右小閣通長街有聽事其上爲樓卽梅生
昔所居已空屋閉置矣咸豐辛酉夏浙賊東竄妻兄姚
杏士挈家避至張堰遂居之八月間賊犯張堰兩家眷
屬同舟而逝由阮巷莊家行南橋三官堂而赴周浦襍
被且不攜暇計書籍乎同治丙寅予自金陵回訪抱甕



居徒瓦礫而已因作詩以自弔也

張堰西不三里爲秦山又西南六里則錢氏所聚族也

謂之錢圩亦曰秦陽道光癸巳予始館錢圩錢雪枝通

守熙祚方輯守山閣叢書與顧君尙之分任校勘時拘

於昭文張若雲海鵬墨海金壺之例書首務冠以四

庫全書提要予謂嘉道以來書之未登於四庫者先

後繼出不必限此且旣限此例則宜求四庫所收之

本是必請鈔於文瀾閣而後可其餘所議或異或同

不能畫一蓋越三年而始決云甲午冬雪枝邀予與尙

之李蘭垞及其弟鱸香族弟卽山僑寓西湖有文瀾

閣校書之役別詳湖樓校書記雪枝以治家廢讀然展卷點筆

頗能別其利鈍脫落差謬指摘不爽特以通族事錄以

一人爲之提挈頑者遷延黠者觀望公事詰屈卽代爲

之籌不以爲德而反腹誹焉意忽忽不樂會以海塘捐

石敘選府通判是時守山閣叢書已竣工復輯指海亦

編就十二集矣乃於癸卯九月入都同行者予與蘭

垞也君素不習行役之苦枉道頗委頓抵京寓石頭

胡同之準提庵予與蘭垞每出游觀劇君偃息日多時

或偕往琉璃廠書肆及古董肆而已甲辰正月初四日

自外賀節返夜覺寒熱旦而求醫於朱建卿助教善族平湖

人旣而雷竹泉刑部文輝亦薦其素識來皆曰春溫也

飲食不進洞泄大汗寐不安枕至初九日晡後自知不



中国国家图书馆
NATIONAL LIBRARY OF CHINA

可爲且服參且促蘭垞書遺屬夜深語模糊不可辨未
明而逝首尾病七日迄今思之殆兩感證也素問熱病
論盡之矣別詳夢因錄

錢氏之先蓋自奉賢遷金山世以積德好善相傳至雪

枝本生祖槎亭溥義家益恢廓有族弟溥聰氣誼最相

得而無子乃以孿生幼子樹蘭爲之嗣以產薄辭則曰

勿也及析產乃與諸子均分既而樹蘭子又夭以母兄

瑞庭樹芝第三子繼卽雪枝也瑞庭翁長者也刊有溫

熱病指南集有子五人長湛園熙恩次鼎卿熙輔次雪

枝次棟堂熙哲次鱸香熙泰湛園諸生喜搜羅古今祕

本小集多病早世鼎卿廩貢生蕪湖教諭我邑吳稷堂

閣學

省蘭

壻也輯刊藝海珠塵王癸兩集

初閣學輯藝海珠塵未竟

而卒後人約分八集紀以金石絲竹苑土

又校刊英人

革木至是學博又增輯二集紀以十干

胡威立重學十七卷箸有勤有書堂詩一卷辛酉之難

避居滬上卒年七十棟堂監生工漢隸兼篆刻輯華嚴

墨海集一卷鱸香廩貢生署靖江學訓導能詩好游山

水旣預湖樓校書之役越五年己亥邀予續游寓寶石

山彌勒院詳蓮龕夢記因至西天目明年再往渡錢唐江訪

蘭亭時英人據定海 欽差大臣伊里布公統兵籌勦

聞有封江開仗之謠遂返實訛傳也未幾君遷住張堰

又十餘年予亦遷張堰君方續姚水北先生舊橐重脩

金山縣志予謂脩志以水利爲最要宜使熟於地理者



中国国家图书馆
NATIONAL LIBRARY OF CHINA

挾一善測一善畫權舟環行且量且繪尺幅太窄則四鄉分載庶幾實事求是君以爲然久之僅成四圖及舊志訂誤一卷而君遽以病沒箸有古松樓牋稟二卷

錢漱六

熙經

雪枝從兄也諸生候選訓導爲人渾厚和

易雪枝校刊叢書指海嘗代按輯君善笑語有發笑者必笑而使人再言之因復大笑隔屋二三重輒聞其笑聲自雪枝沒君常悵悵爲門戶憂笑聲漸稀旣而多病不復聞君笑而君亦且卒君相於法宜長年而僅得中

壽

卒年五十四

天其可問乎

南塘君曙鄉也故予於諸

錢嘯樓

熙載

雪枝從兄諸生議敘鹽課司提舉博覽載

籍能詩晚好佛清脩一室鄴侯之架東高閣矣刊有明

胡粹中評纂元史續編從子水西

培益

例貢生好書畫

碑帖彝鼎古錢其所居曰蘭隱園園有延青閣所以聚

古物也刊有貨布文字考

華亭馬昂著

嘯樓孫聽甫

銘彝海監朱朱

山殿撰

聰敏善悟於西人機器之理頗有所會箸有萬

一權衡又烏程徐莊愍公

有王

算學三種秀水杜小舫

方伯

文瀾

江南北大營紀事本末平湖沈

志裕

瘍科輯

要皆用鉛鑄活字印行

夏儼山先生

履泰

諸生居長浜館葆堂家偉甫

培燕後嗣爲雪

枝子議敘知府

其弟子也能詩善弈好種樹書卒年八十餘

汪松扉

鳴良

歲貢生能詩尤工試帖有求在我齋試帖

集禊帖聯句亦通醫



中国国家图书馆
NATIONAL LIBRARY OF CHINA

予作顧尙之

觀光別傳詳列其所著書知君者每憾其

未顯於世然所輯帝王世紀已編於指海所校素問靈

樞則錢氏亦既鐫之矣邇者上海製造局刊其所著九

數外錄入十種算書錢夢花以其武陵山人遺集入小

萬卷樓叢書錢慎之

潤道聽甫子諸生

刊其推步簡法三種同

里高近齋

桂諸生

刊其七國地理考國策編年其禹貢讀

本則其子深刊於家塾上海莫大令復節次刊其六秬

通考九執秬解回回秬解算牋初續餘三編惟九數孖

古卷秩較解以及諸古書校勘記則猶有待耳

錢氏藏書嘯樓爲冠雪枝次之鼎卿晚歲亦頗喜聚書

所收蘇松舊族藏本多有善者辛酉壬戌閒毛賊所至

書籍板片無留焉卽有子遺書以裹物板以爲炊冥冥

浩劫詎可勝歎

漱六長子夢花

培名

困於童子試援例縣佐棄制舉業

按輯古今希見之書以承乃父之志校刊小萬卷樓叢

書寇患日逼僅成十七種未大印行而板片燬焉年來

復命工重雕可謂有志之士矣鼎卿次子子勉

培懋

廩

貢生候選訓導早卒其子伯桓

銘圭嗣鼎卿長子廉谿廉谿名培讓議敘入品

早樸厚無習染侍祖父及嗣母病衣不解帶晷刻不離

左右兩刲其肱人言錢氏後起當在此子而年更短於

乃父惜哉自名其詩曰蕉鹿居爲之讖矣

子馨爲埭刊勤有書堂詩

後



中国国家图书馆
NATIONAL LIBRARY OF CHINA

朱午樓

錫光

雪枝之甥諸生婁籍能書善弈其先世上

海籍居沈莊

總憲性齋公

椿曾孫也

錢卽山

熙咸

雪枝族弟所居涉平湖界矣少孤敏悟瑞

庭翁撫之延師與諸子同學道光乙未中浙江舉人爲人靜謐寡言然發語輒傾一坐酒德蘊藉未見其醉其卒也雪枝歎曰天斷吾右臂矣

李蘭垞

長齡

監生嘉興之梅里人明快勇決能任事雪

枝沒於

京邸經理喪紀自運河回秦陽事無巨細必

以見商外人齟齬多端而不知其心力之殫也

魏東溪及其從子竹雲皆忘其名與蘭垞同里在施醫局精瘍科爲人坦率無江湖氣

姚家廊下在錢圩西北九里今爲金山五保地姚氏其

先平湖人明時有諱

璋

者來爲張氏贅壻遂家焉子諱

參以舉人分教上饒爲學使李夢陽所重陞宜春令有

惠政調桐廬告歸起工部郎中卒祀江西名宦祠自是

簪纓累世以至

國朝科第不絕見金邑志先是予館

南塘古然先生

前樞

來訪嘯峰邂逅相遇索觀詩藁引

爲忘年交曰我曹會於人者也子當會人子曰恐兩不

能奈何明年人日與嘯峰訪先生於栖雲館亦出詩藁

屬商欲爲其從女相攸以堅香先生

前機

方病緩之孟

夏先生將之嶺南再至南塘告辭會病不果行越五年

秋堅香先生理前議始定聘而先生已沒矣先生嘉慶



中国国家图书馆
NATIONAL LIBRARY OF CHINA

辛酉拔貢甲子舉人撫則公湘雲館集有栖長子也諸生書

學李北海詩出入蘇陸詞亦在蘇辛閒議論豪爽聞者

傾倒學士山陽李公芝齡宗昉撫則公拔萃同年也尤

與先生相得督學浙江江西皆在其幕所至唱和及先

生沒李公典試浙江從其嗣人杏士燕穀索手稟去有

年既選定未付梓而李公薨於京邸稟竟失去杏士

掇拾殘賸屬編輯而序之僅得詩詞各一卷耳堅香先

生撫則公次子也附監生少從青浦王蘭泉侍郎飛長

洲王惕甫教諭芭蓀游與古然先生有二俊之目久困

場屋入都以詩古文駢體鳴卒無所遇客授河南歸

館於湖州道光乙未冬予始就婚廊下每談古然先生

往事輒欲歌欲泣及論詩文則曰學問之道當仁不讓

子弗以年齒爲拘後先生館平望最久蓋十餘年晚病

疴牢騷不已年六十九卒箸有井眉居詩詞駢體襍文

其駢體與青浦陳益卿先生以謙稟相亂今咸豐辛亥

初刻之本已燬於賊光緒丙子孟秋所刊柘湖兩姚先

生詩詞則重刪本也

姚蘇卿先生清華堅香先生族父也予既爲之傳矣當

道光己丑子與嘯峰訪古然先生因爲導見先生先生

欣然賦詩見贈逮予就婚井眉居先生時以新詩相商

推辭氣謙下過於等夷不謂得之於長者也先生詩矯

健身造有似趙耘耔者或以爲專效甌北殆非也弦詩

三

塾前後稿爲朱涇丁漑餘繁培所刊晚年又自刪爲四卷今舊刻已燼其外孫程仙甫豐玉居朱涇重刊者仍依原本又先生父竹硯先生念曾仕至湖北德安府同知賜墨齋詩亦仙甫重刊也

姚水北先生內亦堅香先生族父初僑居新橋在南塘

許里後遷朱涇今金廩監生與蘇卿先生齊名嘗以後漢書鄭康成傳章懷注太畧別爲補注一卷通天文算學

邑志久失脩親采訪增纂辨其譌舛彙凡數易未定卒

箸有二十三桂草堂詩集其從弟墨卿先生海嘉慶

人科舉居廊下有西江游草子積香思柔咸豐子叔舅

行也閉門授徒甚盛能體恤寒士

姚龍門先生之桐伯舅行也監生精瘍醫不受酬能詩

紹脩宗譜頗精密子耳峰元熊監生工篆刻

杏士諸生少歲卽侍父從幕浙江李學使愛之命居門

下詩文書法皆師之後游京師試北闈不得志回南

肆錢穀幕游江浙閒移家蘇州盛氣難親頗有嫉之者

賊陷金陵回廊下遭寇播遷不定賊平仍回蘇失跌傷

髀教讀養病以子季泉浚源溺黑水洋憤甚未幾卒年

七十六季泉幼聰雋年十六父命從候補知府曹君赴

貴州習幕道出安慶予憐其幼畱之後又從杭州周雲

屏大令錫堡赴建平會杏士在荆谿遂閒道歸補學官

弟子捐縣丞從事海運局以紳董押運船被觸不及救



恩給府同知銜世襲雲騎尉杏士六子死其二矣第

三子叔文

附祿源貢生

書法得何子貞太史指授亦能詩今

幕游陝西

姚謐萃

以煌

堅香先生從弟萊陬先生

前榮歲貢生

子也諸

生詩效瓶水齋其弟卓峰

以煌

十三歲與兄同入學見

賞於學使白公

銘

詩筆勝於兄多病天

徐古香

桂芬

謐萃從甥又女壻也居朱涇少穎敏能勤

學董夢蘭盛稱之中咸豐辛酉拔萃科以小京官候補

戶部主事選用軍機章京又中光緒己卯北闈舉人恂

恂溫雅書近梁山舟後來之秀也

鈕蒞汀

安濤

予僚壻也諸生居上海之馬橋遷於廊下

學醫讀柯韻伯

琴

來蘇集以書抵吳江吳子音

金壽以醫名

反覆千百言吳不能荅祇曰此宜箸書爾果不大行又

習彤家言蓋宗蔣大鴻晚歲爲詩經名物考藏於家長

子式如傳其醫好善

程蘭川

文榮

居楓涇嘉善界雪枝妹壻也書學麻姑仙

壇記論帖宗翁覃谿閣學作帖攷數卷辨證精確海鹽

許珊林太守

榘

盛傳之任南京北捕通判佐藩司祁公

宿藻

守城城破死之

贈道銜雲騎尉世職初儀徵阮

文達公刊薛氏鍾鼎款識祇據明人影寫朱印本君乃
得宋搨石刻本以爲天下無二本又蜀石經殘字原搨
亦難得所至必與俱至是俱燼帖攷板存錢氏丙舍未



中国国家图书馆
NATIONAL LIBRARY OF CHINA

及印行亦被賊燬成敗有數此數果孰定之哉

蘭川所居南邨

有池亭竹石有茹古樓以藏書籍碑帖亂後無遺跡

張叔未解元

廷濟

嘉興人阮文達撫浙時謁經精舍肄

業生也書法蘇米深於金石之學摹隸尤神似翁覃谿道光庚子夏嘗偕程蘭川至秦陽姚氏故姻婭遂邀予同至廊下盤桓三日堅香先生飲餞席上用平湖朱椒堂侍郎題八磚精舍

先生室名

九言詩韻聯句送之喜曰我

將書以刻石識此日之會後以病不果

屠荻樓

劬

監生堅香先生甥也居嘉善之張涇滙幼奇

鈍讀書一行以銅尺左右夾教必百徧乃命之讀展轉

閒忽大哭問之曰書何往矣蓋銅尺離其所也稍長寫

片紙寄舅氏一字不可解舅輒探其意批改之曰某語當如是某字當如是久之稍有省年且三十遂能作書通問并寫大字矣事母至孝待人以誠篤期期艾艾頗能直言訓子甚嚴遂補學官弟子

平湖錢夢廬先生

天樹

監生好收藏舊書金石書畫能

詩書效十七帖爲人姁姁嫗嫗若村翁而不知其爲浙

西一路風雅主盟也中落後其所珍祕大抵入其壻家

胡氏

後又入上海郁氏

嘗以竹裏煎茶圖索題曰勿泥圖意其

天趣可知

高藏庵

三祝

亦平湖人文恪公裔孫也文恪箸春秋職

官攷未成君續成之用功甚深道光癸卯領鄉薦遠近



中国国家图书馆
NATIONAL LIBRARY OF CHINA

聞之皆曰文章真有憑據哉蓋素恆於眾望也論詩亦宗青邱漁洋初古然先生挾予詩至平湖君見之題五古長篇於卷首以定交三年而後相見可謂非偶然已錢澥香椒平湖人居乍浦亦雪廬翁詩弟子也以風雅好客耗其資病卒詩效孟襄陽有篁山山人詩鈔

汪謝城孝廉

日慎

烏程人母上海趙謙士侍郎

秉冲女

也古文駢體詩詞皆平視作者謝城幼承母訓及長博極羣書通天文算學箸有歷代長術輯要十卷古今推步諸術攷二卷湖雅八卷湖蠶述四卷荔牆詞一卷皆已刊行惟如積引蒙未刻其校正大唐郊祀錄昔已編入指海矣今相國左恪靖侯督兵浙江時招之入幕未赴會選補會稽學教諭就任數年悒悒多病卒年七十失此老友爲之嗒然



懷舊襍記卷二終



中国国家图书馆
NATIONAL LIBRARY OF CHINA



中国国家图书馆
NATIONAL LIBRARY OF CHINA